

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 33. i 45. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19), na prijedlog Ministarstva zdravstva, Vlada Zeničko-dobojskog kantona, na 48. sjednici, održanoj dana 13.03.2020. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2020. godinu na poziciji „Kapitalni transferi drugim nivoima vlasti – za zdravstvo“

I.

Usvaja se Program utroška sredstava planiranih u Budžetu Zeničko-dobojskog kantona za 2020. godinu („Službene novine Zeničko-dobojskog kantona”, broj: 24/19) na poziciji „Kapitalni transferi drugim nivoima vlasti - za zdravstvo“ u iznosu od 2.550.000,00 KM (slovima: dvamiliona ipetstotina pedeset hiljada konvertibilnih maraka) i čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Za realizaciju ovog zaključka zadužuju se Ministarstvo zdravstva i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER
po ovlaštenju

Mirnes Bašić

Broj: 02-_____/20
Datum, 13.03.2020. godine
Z e n i c a

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM
UTROŠKA SREDSTAVA PLANIRANIH
U BUDŽETU ZENIČKO-DOBOJSKOG KANTONA ZA 2020. GODINU
NA POZICIJI
“KAPITALNI TRANSFERI DRUGIM NIVOIMA VLASTI- ZA ZDRAVSTVO”**

Zenica, mart 2020. godine

I UVOD

1. Pravni osnov

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), sredstva utvrđena u razdjelu 21, budžetska organizacija 01, potrošačka jedinica 0001 Budžeta -Ministarstvo zdravstva - pozicija „Kapitalni transferi drugim nivoima vlasti- za zdravstvo“, koristit će se prema programu utroška, odnosno prema aktima koje donosi Vlada Kantona.

U skladu sa članom 45. stav (1) Zakona o izvršavanju Budžeta Zeničko-dobojskog kantona za 2020. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriterij i naziv pravnog ili fizičkog lica koje prima transfer.

Članom 13. stav 2. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa mogućnostima Budžeta Kantona.

Članom 13. stav 4. Zakona o zdravstvenoj zaštiti propisano je da Kanton osigurava sredstva za ostvarivanje društvene brige za zdravlje.

2. Naziv programa

Sredstva kapitalnih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2020. godinu na poziciji „Kapitalni transferi drugim nivoima vlasti – za zdravstvo“.

3. Ciljevi programa

Pored činjenice da su navedena ulaganja zakonska obaveza osnivača zdravstvene ustanove, planiranjem sredstava za namjene utvrđene Programom doprinosi se:

- poboljšanju kvaliteta zdravstvene zaštite,
- smanjenju listi čekanja pacijenata,
- povećanju zadovoljstva korisnika zdravstvenih usluga,
- smanjenju odliva sredstava u druge kantone za pružene zdravstvene usluge u drugim zdravstvenim ustanovama i dr.
- praćenje i sprečavanje širenja novog corona virusa i poduzimanje neophodnih mjera u cilju zaštite stanovništva od zaraznih bolesti.

4. Izvori sredstava

U Budžetu Zeničko-dobojskog kantona za 2020. godinu na razdjelu 21, budžetska organizacija 01, potrošačka jedinica 0001-Ministarstvo zdravstva, ekonomski kod 615100, pozicija „Kapitalni transferi drugim nivoima vlasti- za zdravstvo“ planirana su sredstva u iznosu 2.550.000,00 KM, a realizovat će se donošenjem programa utroška sredstava i odgovarajućih akata (odluka) o odobravanju sredstava od starne Vlade Zeničko-dobojskog kantona, a prema operativnim planovima potrošnje usklađenim sa procentom ostvarenja javnih prihoda, osim u slučajevima odobrenim posebnom odlukom Vlade Kantona.

5. Korisnici programa

Vlaada Zeničko-dobojskog kantona, cijeneći situaciju nastalu početkom godine, a u vezi pojave novog corona virusa, kao i stavove Kriznog štaba Ministarstva zdravstva Zeničko-dobojskog kantona za praćenje novog corona virusa opredijelila se da se za redovne potrebe za nabavkom neophodne opreme, rezervnih dijelova i građevinsko zanatske radove u JU Kantonalna bolnica Zenica planiraju sredstva u iznosu od 2.150.000,00 KM, a da se za neophodnu dodatnu medicinsku opremu i osposobljavanje izolacionog centra u zgradi Stacionara, planiraju sredstva u iznosu od 400.000,00 KM.

Imajući u vidu navedeno, potrošnja planiranih sredstava za kapitalne transfere za zdravstvo u 2020. godini podijeljena je u dvije cjeline:

- Kapitalni transferi za JU Kantonalna bolnica Zenica u iznosu 2.150.000,00 KM i
- Kapitalni transfer za rješavanje problema osposobljavanja izolacionog centra za sprečavanje širenja novog corona virusa u iznosu 400.000,00 KM.

II PROGRAMI

1. Kapitalni transferi za JU Kantonalna bolnica Zenica - planirani iznos 2.150.000,00 KM

Vlada Zeničko-dobojskog kantona već nekoliko godina u Budžetu Zeničko-dobojskog kantona planira sredstva namijenjena JU Kantonalna bolnica Zenica za nabavku opreme i druga ulaganja koja imaju karakter stalne imovine.

Nabavkom nove i savremenije opreme doprinosi se većem kvalitetu zdravstvene zaštite, smanjenju listi čekanja, većoj zaštiti pacijenata, ali i radnika prilikom izvođenja određenih zahvata, povećanju broja usluga koje se pružaju pacijentima. Izgradnjom i adaptacijom građevinskih objekata doprinosi se humanizaciji uslova u kojima pacijenti borave, boljim uslovima rada uposlenika, pružanju zdravstvenih usluga na višem nivou i sl.

Planirana sredstva za kapitalne transfere za JU Kantonalna bolnica Zenica iznose 2.150.000,00 KM ili 84,3 % ukupno planiranih sredstava.

U strukturi planiranih ulaganja iznos od 1.800.000,00 KM odnosi se na nabavku medicinske i nemedicinske opreme, na građevinsko-zanatske radove odnosi se iznos od 250.000,00 KM i

nabavku rezervnih dijelova u slučaju kvarova iznos od 100.000,00 KM:

Redni broj	Vsta ulaganja	Planirana sredstva po Programu utroška
1.	Nabavka medicinske opreme	1.655.000,00 KM
2.	Nabavka nemedicinske opreme	145.000,00KM
3.	Građevinsko-zanatski radovi	250.000,00KM
4.	Nabavka rezervnih dijelova za medicinsku i nemedicinsku opremu	100.000,00 KM
	UKUPNO	2.150.000,00 KM

Kriterij za dodjelu sredstava

JU Kantonalna bolnica Zenica provodi postupak nabavke opreme, građevinskih radova i nabavke rezervnih dijelova u skladu sa Zakonom o javnim nabavkama („Službeni glasnik Bosne i Hercegovine”, broj: 39/14) i planom nabavki ove zdravstvene ustanove.

Na prijedlog Ministarstva zdravstva, a na osnovu zahtjeva JU Kantonalna bolnica Zenica, Vlada Zeničko-dobojskog kantona donosi odluku o odobrenju sredstava u skladu sa procentom ostvarenja prihoda u Budžetu Zeničko-dobojskog kantona.

Uslovi transferisanja sredstava na račun JU Kantonalna bolnica Zenica broj:134-010-00000138-94 otvoren kod ASA banke, precizirat će se svakom pojedinačnom odlukom.

JU Kantonalna bolnica Zenica obavezna je Ministarstvu zdravstva dostaviti dokaze o izmirenju obaveza dobavljaču prema uslovima iz zaključenog ugovora o nabavci.

2. Kapitalni transfer za rješavanje problema osposobljavanja izolacionog centra za sprečavanje širenja novog corona virusa- planirani iznos 400.000,00KM

U Budžetu Zeničko-dobojskog kantona za 2020. godinu planirana su sredstva u iznosu od 400.000,00 KM kao početna sredstva za pripremne radnje koje je neophodno izvršiti kako bi se pripremio prostor za izolaciju slučajeva sumnjivih na zaraženost corona virusom, nabavku neophodne dodatne medicinske i nemedicinske opreme.

Kantonalni štab Ministarstva zdravstva Zeničko-dobojskog kantona, imenovan Rješenjem ministra Ministarstva zdravstva broj: 11-33-1335-3/20 od 04.02.2020. godine donio je Odluku broj: 11-33-1335-16/20 od 04.03.2020. godine, kojom se zgrada Stacionara (dio koji koristi JU Kantonalna bolnica Zenica) pretvara u prostor za izolaciju, u cilju praćenja i sprečavanja širenja novog corona virusa, a sve u cilju zaštite stanovništva od zaraznih bolesti.

Planirana sredstva će biti utrošena za sve pripremne radnje koje je neophodno uraditi kako bi se navedeni prostor adekvatno pripremio, kao i za nabavku neophodne medicinske i nemedicinske opreme.

Cijeneći hitnost nabavki, Vlada Kantona će na prijedlog Ministarstva zdravstva donijeti Odluku o odobravanju sredstava za navedene namjene, sredstva će biti transferisana JU Kantonalna bolnica Zenica po donošenju odluke, a JU Kantonalna bolnica Zenica dužna je opravdati utrošak sredstava zaključenim ugovorima i fakturama, kao i dokazima o izmirenju obaveza izabranim dobavljačima sukladno zaključenim ugovorima o nabvaci.

Broj: 02-_____/20
Datum, 13.03.2020. godine
Z e n i c a

PREMIJER
po ovlaštenju

Mirnes Bašić

DOSTAVLJENO:
1x Ministarstvo zdravstva,
1x Ministarstvo finansija,
1x a/a.